

Ed.

789. Nefndarálit

um frv. til 1. um byggingu gistihúss í Reykjavík.

Frá fjárhagsnefnd.

Frumvarp þetta er stjórnarfrumvarp, sem lagt var fyrir neðri deild, og fjallaði allsherjarnefnd þeirrar deildar um málið. Tók það nokkrum breytingum, og er aðalbreytingin sú, að hinni almennu eignarnámsheimild 5. greinar var breytt í heimild til eignarnáms ákveðins staðar í bænum.

Nefndin er málínus fylgjandi og mælir með samþykkt frumvarpsins, en telur á hinn bóginn óheppilegt að takmarka eignarnámsheimildina, þar sem enn mun með öllu óráðið, hvar gistihús þetta verður sett, og ófært að láta það ef til vill ráða vati óheppilegri staðar, að eignarnámsheimildin er við hann bundin. Nefndin leggur því til, að greininni verði breytt í sama horf og áður var, en knýta þó við til öruggis þeim varnagla, að öll ríkisstjórnin og þeir aðrir aðilar, sem að byggingunni standa, verði sammála um eignarnámið. Samkvæmt þessu leggur nefndin til, að frv. verði samþykkt með eftirfarandi

BREYTINGU.

Við 5. gr. Greinin orðist svo:

Ríkisstjórninni er heimilt að taka eignarnámi lóðir, hús og mannvirki, eftir því sem hún telur þurfa undir gistihúsið og því til afnota, enda sé öll ríkisstjórnin og þeir aðilar, sem að byggingunni standa, sammála um, að eignarnámið fari fram. Fer um eignarnám þetta eftir lögum nr. 61 14. nóv. 1917.

Tveir nefndarmenn (ÞP og BSt) tóku ekki þátt í afgreiðslu málsins.

Alpingi, 12. apríl 1946.

Magnús Jónsson,
form., frsm.

Ásmundur Sigurðsson.

H. Guðmundsson.